

Механизатормуд, тосхлтин профессий дасдж авцхатн!

**Целинн района Троицк МТС-н механизатормудин
Хальмг автономн таньгъчин МТС-н, МЖС-н
болн совхозмудин цуг трактористноиг,
комбайнермүдиг болн ремонтн
мастерскойн кӱдлмшчнриг
ДУУДЛГЪН**

Унтӱ уурмуд! Коммунистическ тосхлгъна агъу. ик программ советск олн-ӱмтнд ик гидг политическ ӱргмдж болн куч-кӱлснӱ шунмгъа, ик творческ седвӱр ӱсгв. Коммунистическ партъ болн советск правительство, ӱмтнӱ сӱ хӱӱлгънд хӱрү ӱгхин тӱлӱд Хальмг автономн таньгъчин куч-кӱлснр, цуг орн-нутгин куч-кӱлснрлӱ адлар, Алдр Октябрь-н социалистическ революцинд 19-ч джилн ӱбниг ил темдгтӱ кевӱр тосххин тӱлӱд социалистическ дӱрлӱнд орлцв.

Мана машинно-тракторн станцин кӱдлмшчнр болн мана тетгглгънд бӱӱдг „Родина“ гидг колхозин чледүд, ик ургъц авхин тӱлӱ, олна малин ӱслт ӱддүлхн тӱлӱ болн түүнӱ шим-шуусиг элвдӱхн тӱлӱ ноолда кесн деерӱн бас производствени, культурн-бытосой болн бӱӱх гермуд бӱрх тосхлтин ик элдв чинртӱ программ сӱӱнӱр кӱцӱхӱр ноолдджана. Троицк МТС эн джил батлчкн зурагъан болн гаргъх зӱвтӱ мӱнӱгнӱнн кирӱр, трактормуд болн сельхозмашид ясхин тӱлӱ 700 квадратн метр агъута мастерской бӱрдж дуусх, автомашис ясдг мастерской, гараж, хойр хошад бӱл бӱӱх гермуд бӱрхмн. Уунӱс талдан, станцин коллектив бийсинн седвӱрӱр, гермүдин ясврт гидж ӱгсн мӱнӱгӱр, контор бӱӱсн бериг ургъад бӱл ӱмтн орх гер кехӱр седжӱнӱ, конториг шинрүлдж ясн хуучн гаражд орулхар шидцхӱв. Колхозин материалар болн мӱнӱгӱр эн джил механизатормуд полевой бригадмудт хойр нефтехранилищ бӱрцхӱв.

„Родина“ гидг сельхозартели чледүдин олна хург ик гидг тосхлтин программ темдглв. Эн кергудт 2800 миньгън арслн гаргъхмн гидж хӱлӱгдв. Эн кӱдлмшмүдиг кӱцӱлгъниг колхоз джилн эклцлӱ эклв. Комсомольчнрас болн комсомолд ӱс бӱӱдг багъчудас модна долан урчуд белдгдв. Колхозин мастерской ӱвлӱгъа ууднӱ болн терзин 120 коробкс, терзин 50 рам, неджӱд бӱл ордг зун гермүдин тӱлӱ 80 уудкедж белдгдв. Плошадкд 150 кубометр чолу, хулсар кесн тавн миньгън мат болн 500 кубометр тосхлтин модн белдгддж, зӱд-

гддж авч иргдв. Колхозин мастерскойд пилорам, циркулярн кӱрӱ болн сверильно-долбежн станок тӱвгдв.

Селӱнӱ куч-кӱлснрин культурн сурлтд ик чинр ӱгӱд, цаарандн тетгдӱхн тӱлӱд 250 кун багтх ормта зуна цагин кинотеатр колхоз бӱрв, бас телү агъута клуб бӱрджӱнӱ.

Одахн кӱртл колхоз болн МТС бийсинн эврӱнн тосхлтин бригадмуд уга болсн учрар, талдан газрас ӱмт дуудг билӱ. Иигдг кесн кӱдлмш унтӱ болн тосхлнн му болна. Обществени, кун бӱӱх гермүдиг болн малмуд орулдг хаша-хацсиг эврӱнн чидлар эврӱнн ӱмтсӱр бӱрдж чӱдхмн бидн. Энүг кӱцӱхд ганцхн юмн кергтӱ—кен чигн **механизатор тосхлтин специальность дасдж авх керг.** Тосхлтин кӱдлмшин йовудиг шулудулхд, эврӱнн таньгъчан улм цаарандан цецгрүлхд—хаалгъ уунд бӱӱнӱ.

Тосхлтин профессий дасхмн гидж бидн лавтагъар шидвдн. Эн джил бригадн сургългъ болн онц-неджӱдӱр сургългъ келгӱр дамджулдж механизатормудасн 60 каменщикүд, кровельщикүд, модна урчуд, столярмүд, штукатурищикүд, 3-4 разрядтӱгӱс тату бишӱр ширдӱчир белдхӱр бӱӱнӱвдн. МТС кадрмуд белдтхӱ гидж гаргъдж ӱгӱх мӱнӱгӱр механизатормудиг, шишлнн бригад деерн тосхлтин керг дасххин тӱлӱд специалистнр дууддж авнавдн. Уунд трактористнр шин специальность авхарн теоретическ медрл бийстан батлсн деерӱн бригадсар тосхдӱх объектст ордж кӱдлцхӱх мӱн. Тосхлтин специальность дассн МТС-н трактористнрин болн комбайнермүдин чидлар эн джил ик гидг кӱдлмш кӱцӱхмн гидж шидв. Май сарин 20 кӱртл цуг дӱрвн бригадст нефтехранилищ болн бань бӱрхвдн. Июнь сарин негн кӱртл негдгч болн гурвдгч бригадст нег зергӱр гурвн трактор хӱлӱдж, ясвр кехин тӱлӱд профилактор тосхнавдн. Буудӱн культурин ургъч хурадг авхин ӱмн негдгч болн дӱрвдгч бригадст 250-300 тоннас багъ бишӱр буудӱ багтдг, буркӱтӱ токмуд бӱрнӱвдн. Дӱрвдгч бригадин тӱлӱ июнь сарин 15

кӱртл 25 кун бӱӱх гер, хот кедг гер, хот-уудг гер болн склад бӱрнӱвдн. Алдр Октябрин 40-ч ӱбн кӱртл негдгч болн хойрдгч бригадст малин хойр хаша бӱрнӱвдн. Намр ирлн механизатормудин чидлар тосхлтин болн ясврн программиг кӱцӱнӱвдн.

МТС, МЖС болн совхозмудин ур кӱдлмшчнр! Эврӱнн таньгъчан цецггч кехин тӱлӱд шулугъар тосхлт кех кергтӱ. Тосхлтин йовудиг шулудуллгън, түүнӱ чинр ӱддүлгън болн унинн килврдүлгънӱ, хаалгънн—механизатормуд тосхлтин профессий меддж дасдж авлгън. Эн тӱлӱд эврӱнн медрлӱн бидн тосхлтин кергин теорий болн практик дасдж авлгъар байджахар шидүвдн, даругъас неджӱд-хошад тосхлтин специальность дасдж авад, дассн медрлӱн болн чадвран производствени, культурн-бытосой болн ӱмтн бӱӱдг гермүд тосхлгънд орлцулхар бӱӱнӱвдн.

Унтӱ уурмуд, мана үлгүр дахцхатн! МТС-н, МЖС-н болн совхозмудин кен чигн тракторист, комбайнер, ясгъна мастерскойн кӱдлмшчнр, шунмгъа кевӱр каменщиксий, кровельщиксий, модна урчуд, столярмүдин, штукатурищиксий ширдӱчнрин профессий меддж-дасдж авцхаг. Тосхлтин профессий—мана орн-нутт ик кундтӱ профессмүдин негн.

ӱмнӱн бӱӱх хаврин тӱрӱнӱ кӱдлмш, мал ӱслгънӱ кӱдлмшмүд кӱцӱхӱр нӱдлвр кесӱн дахулад, капиталовложенин олзлдж авхин тӱлӱ шунмгъа ноолданур орлцн гидж тадниг дуудджанавдн. Мана таньгъчин куч-кӱлснрин ӱмн коммунистическ партин болн советск правительствин тӱвсн тӱрмүдиг кӱцӱлгън икннн уунӱс иштӱ болх мӱн.

Партъ болн правителств, социализмин орн-нутгин куч-кӱлснрин сӱ хӱӱлгънд мана хӱрү ӱглгън—механизатормуд тосхлтин профессий дасдж-меддж авлгън—ик гидг патриотическ керг.

Ниинцнъгъу кӱдлмшүр, унтӱ уурмуд!

Целинн района Троицк МТС-н механизатормудин коллективин хург деер хӱлӱдж, зӱвӱлдж авсн дуудвр.